

I I. Prætereà juxtà situm loci , quem inhabitare proposueritis , singuli vestrùm habeant cellulas separatas , sicut per dispositionem Prioris ipsius , & de assensu aliorum Fratrum , vel sanioris partis . eadem cellulæ cuique fuerint assignatæ.

I I I. Nec liceat alicui Fratrum , nisi de licentiâ Prioris , qui pro tempore fuerit , deputatum sibi locum mutare , vel cum alio permutare.

I V. Celluia Prioris sit juxta introitum loci , ut venientibus ad eundem locum primus occurrat , & de arbitrio & dispositione ipsius postmodùm , quæ agenda sunt , cuncta procedant.

V. Maneant singuli in cellulis suis , vel juxtà eas die ac nocte in lege Domini meditantes , & in Orationibus vigilantes , nisi alijs justis occasionibus occupentur.

V I. Hi qui litteras noverunt , & legere Psalmos , per singulas horas eas dicant , qui ex institutione Sanctorum Patrum & Ecclesiæ approbata consuetudine ad horas singulas sunt deputati . Qui verò litteras non noverunt , viginti quinque vicibus dicant *Pater noster* in Nocturnis vigilijs , exceptis Dominicis & solemnibus diebus , in quorum vigilijs prædictum numerum statuimus duplicari , ut dicatur *Pater noster* vicibus quinquaginta . Septies autem eadem dicatur Oratio in laudibus matutinis : in alijs quoque horis septies similiter eadem sigillatim dicatur Oratio , præter officia vespertina , in quibus ipsam quindecies dicere debeatis.

V I I. Nullus Fratrum sibi dicat aliquid esse proprium , sed sint vobis omnia communia . Et ex his , quæ vobis Dominus dederit , distribuatur unicuique per manum Prioris , id est , per hominem ab eo ad id officium deputatum , prout unicuique opus fuerit , inspectis ætatibus , & necessitatibus singulorum : ita tamen , ut , sicut præmissum est , in deputatis cellulis singuli maneant , & ex his quæ si-

62 HEROICA CARMELI

bi distributa fuerint, singulariter vivant.

VIII. Oratorium, prout commodius fieri poterit, construatur in medio cellularum: ubi manè per singulos dies ad audienda Missarum solemnia convenire debeatis, ubi hoc commodè fieri poterit.

IX. Dominicis quoque diebus vel alijs, ubi opus fuerit, de custodia ORDINIS tractetis, ubi etiam excessus & culpæ Fratrum, si qui de aliquo deprehensi fuerint, charitate mediâ corrigantur.

X. Jejunium singulis diebus, exceptis Dominicis, observetis, à festo exaltationis S. Crucis, usque ad diem Dominicæ Resurrectionis, nisi infirmitas vel debilitas corporis, aut alia justa causa jejunium solvi suadeat: quia necessitas non habet legem.

XI. Ab esu carniùm semper abstineatis, nisi pro infirmitatis, aut nimix debilitatis remedio sint sumendæ.

XII. Quia verò militia est vita hominis, & omnes qui piè volunt vivere in Christo, persecutionem patiuntur: adversarius quoque vester Diabolus, tamquàm leo rugiens, circuit, quærens quem devoret, omni sollicitudine studeatis indui armaturâ Dei, ut possitis stare adversus insidias inimici. Accingendi sunt lumbi vestri cingulo Castitatis. Muniendum est pectus cogitationibus sanctis: Scriptum est enim: Cogitatio sancta servabit te. Induenda est lorica justitiæ, ut Dominum Deum vestrum ex toto corde, & tota anima & ex tota virtute diligatis & proximum vestrum tamquàm vosmet ipsos. Sumendum est in omnibus scutum fidei, in quo possitis omnia tela nequissimi ignea extinguere. Sine fide enim impossibile est placere Deo: & hæc est victoria, quæ vincit mundum, fides nostra. Galea quoque salutis imponenda est capiti, ut de solo salvatore speretis salutem, qui salvum facit populum suum à peccatis eorum. Gladius autem spi-

R E G U L A.

63

Spiritus, quod est verbum Dei, abundanter habet in ore, & in cordibus vestris. Et quæcumque vobis agenda sunt, in verbo Domini fiant.

X I I I. Faciendum est vobis aliquid operis, ut semper vos Diabolus inveniat occupatos, ne ex otiositate vestra aliquem intrandi aditum ad animas vestras valeat venire. Habetis ad hoc beati Pauli magisterium pariter & exemplum, in cuius ore Christus loquebatur, qui positus est & datus à Deo prædicator & Doctor gentium in fide & veritate, quem si secuti fueritis, non poteritis aberrare. In labore (inquit) & fatigatione fuimus inter vos, nocte ac die operantes, nequem vestrum gravaremus: non quasi nos non habeamus potestatem; sed ut nosmet ipsos formam daremus vobis ad imitandum nos. Nam cum essemus apud vos, hæc denuntiabamus vobis, quoniam si quis non vult operari, non manducet. Audivimus enim inter vos quosdam ambulantes inquietè, nihil operantes. His autem, qui ejusmodi sunt, denuntiamus & obsecramus in Domino J E S U Christo, ut cum silentio operantes suum panem manducent. Hæc via sancta & bona: ambulate in ea.

X I V. Commendat autem Apostolus silentium, eum in eo præcipit operandum: & quemadmodum Propheta testatur, Cultus justitiæ silentium est: & rursùm: In silentio & spe erit fortitudo vestra. Ideoque statuimus ut ab hora vespertina usque in horam tertiam sequentis diei silentium teneatis, nisi fortè necessitas, vel causa rationabilis, aut licentia Prioris silentium interrumpat. Aliò verò tempore licet silentij non habeatur observatio tanta, diligentius tamen à multiloquio caveatur: quoniam sicut scriptum est & non minùs experientia docet, in multiloquio non deerit peccatum. Et qui inconsideratus est ad loquendum, sentiet mala. Item qui multis utitur verbis, lædit animam suam.

Et

HEROICA CARMELI

Et Dominus in Evangelio : De omni verbo otioso, quod loquuti fuerint homines, reddent rationem de eo in die iudicij. Faciat ergo unusquisque frateram verbis suis, & frænos rectos ori suo, ne forte labatur & cadat in lingua sua, & insanabilis sit casus ejus ad mortem. Custodiens cum Prophetæ vias suas, ut non delinquat in lingua sua: Et silentium, in quo cultus justitiæ est, diligenter & cautè studeat observare.

XV. Tu autem, Brocarde, & quicumque post te institutus fuerit Prior, illud semper habeatis in mente & servetis in opere, quod Dominus ait in Evangelio : Quicumque voluerit inter vos major esse Frater, erit vester minister : & quicumque voluerit inter vos prius esse, erit vester servus.

XVI. Vos quoque ceteri Fratres Priorem vestrum humiliter honorate, Christum potius cogitantes, quam ipsum, qui posuit illum super capita vestra. Et Ecclesiarum præpositis ait : *Qui vos audit, me audit, & qui vos spernit, me spernit* : ut non veniatis in iudicium de contemptu, sed de obedientia mereamini vitæ æternæ mercedem.

Hæc BREYITER scripsimus vobis, conversationis vestræ formulam statuentes, secundum quam vivere debeatis. Si quis autem supererogaverit, ipse Dominus, cum redierit, reddet ei. Utatur tamen in omnibus discretione, quæ Virtutum est moderatrix. Ex Achaon, Idus Januarij.

47. Hæc est Regula Carmelitis ab Alberto *juxta propositum*, scripto indicatum, scripta. Suis præventus præjudicijs P A P E B R O C H I U S, quibus præexistentem non vult Ordinem agnoscere; quibus agniti & Indulgentijs decoratum à Pontificibus negat Ordinem : quibus B. Brocardi Constitutiones à Pontifice confirmatas inficiatur : quibus ad id ævi sub nulla vixisse obedientia, imò sine ullo voti arctioris vinculo asseverat : quibus per
fas

R E G U L A

fas & nefas, contra torrentem Scriptorum, contra perpetuam traditionem, ullo sine auctore, ullo sine fundamento, ullo sine fulcro *suum* vult intrudere Calabrum, *suum* sine nomine **QUEM DAM** : quibus ignotum hunc **QUEM DAM** *Elam* Ordinis, Ordinis ab Apostolis legi gratia inserti : Ordinis toto dudum Oriente Monachorum satoris & propagataris : Ordinis nova reflorentis reformatione Ordinis suis dudum Prioribus Generalibus donati, ipse primus, unus & solus vult Institutorem dicere, vult Patrem facere. His prævencus & ex toto præoccupatus præjudicijs, datæ subjungit Regule : *Hæc est PRIMÆVA seu PRIMIGENIA Regula Carmelitarum, ORDINIS ANIMA ET FORMA à non-nomine dicta : à Romanis Pontificibus postmodum approbata, & variè mitigata.* AN NON PRIMÆVAM seu PRIMIGENIAM nuncupat sua juxta præjudicia ? AN non quasi nata tunc primùm Ordini *primogenita* ? Undique suis resonat ventum præjudicijs, *suum* ut *QUEM DAM* destinato invehat portui, & stabiliat Patrem. At proporum sufflamigavit P. Bonæ Spei, ac primogenitæ explicuit sensum, sed ad quem ille, ac soler, mansit insensibilis. Sic enim Bonæ Spei discriminat : *Respondet distinguendo assumptum : Hæc est primæva seu primigenia Regula Carmelitarum, ad sui Instituti antiquioris Reformationem in monasterio sub obedientia unius Prioris aliud potentium, concedo assumptum. Absolutè primæva & primigenia Carmelitarum primi ante Reformationem illam Instituti, nego assumptum.* Sic Theologo-historicus P. Bonæ Spei. Sed nec ut Theologus, nec ut historicus illius ullibi meminit **PAPABROCHUS**, ipse quasi oracula locutus sit, aliorum habet sensa pro nebulis in pariete pictis. Qui veritati studet, respondet & nodos solvit. Solens scribit **PAPABROCHUS**.